

REGLUGERÐ

um (16.) breytingu á reglugerð nr. 560/2014 um gildistöku reglugerðar framkvæmdastjórnarinnar (EB) nr. 798/2008 um skrár yfir þriðju lönd, yfirráðasvæði, svæði eða hólf, þaðan sem leyfður er innflutningur til Bandalagsins og umflutningur um Bandalagið á alifuglum og alifuglaafurðum, og um kröfur vegna heilbrigðisvottana fyrir dýr og dýraafurðir.

1. gr.

Við 1. gr. reglugerðarinnar bætist nýr töluliður, 53. tölul., svohljóðandi:

53. Framkvæmdarreglugerð framkvæmdastjórnarinnar (ESB) 2020/352 frá 3. mars 2020 um breytingu á I. viðauka við reglugerð (EB) nr. 798/2008 að því er varðar færsluna fyrir Úkraínu í skránni yfir þriðju lönd, yfirráðasvæði, svæði eða hólf þaðan sem leyfður er innflutningur til Sambandsins og umflutningur um Sambandið á tilteknum alifuglavörum í tengslum við alvarlega fuglainflúensu.

2. gr.

Framkvæmdarreglugerð framkvæmdastjórnarinnar, sem nefnd er í 1. gr., er birt sem fylgiskjal við reglugerð þessa.

3. gr.

Reglugerð þessi er sett með heimild í lögum nr. 93/1995 um matvæli, lögum nr. 54/1990 um innflutning dýra og lögum nr. 25/1993 um dýrasjúkdóma og varnir gegn þeim, öll með síðari breytingum.

Atvinnuvega- og nýsköpunarráðuneytinu, 10. mars 2020.

Kristján Þór Júlíusson
sjávarútvegs- og landbúnaðarráðherra.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2020/352**

frá 3. mars 2020

um breytingu á I. viðauka við reglugerð (EB) nr. 798/2008 að því er varðar færsluna fyrir Úkraínu í skránni yfir þriðju lönd, yfirráðasvæði, svæði eða hólfi þaðan sem leyfður er innflutningur til Sambandsins og umflutningur um Sambandið á tilteknum alifuglavörum í tengslum við alvarlega fuglainflúensu

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýraríkinu til manneldis ⁽¹⁾, einkum 8. gr. (inngangsorð), 8. gr. (fyrsta undirgrein 1. liðar), 8. gr. (4. liður) og 9. gr. (4. mgr.),með hliðsjón af tilskipun ráðsins 2009/158/EB frá 30. nóvember 2009 um skilyrði á sviði heilbrigðis dýra sem hafa áhrif á viðskipti innan Bandalagsins með alifugla og útungunaregg og á innflutning þeirra frá þriðju löndum ⁽²⁾, einkum 23. gr. (1. mgr.), 24. gr. (2. mgr.) og 25. gr. (2. mgr.),

og að teknu tilliti til eftirfarandi:

- 1) Í reglugerð framkvæmdastjórnarinnar (EB) nr. 798/2008 ⁽³⁾ er mælt fyrir um kröfur um heilbrigðisvottanir fyrir dýr og dýraafurðir vegna innflutnings til Sambandsins og umflutnings gegnum það, þ.m.t. geymslu á meðan á umflutningi stendur, á alifuglum og alifuglaafurðum (hér á eftir nefndar vörurnar). Þar er kveðið á um að vörurnar megi einungis flytja inn til Sambandsins og umflytja gegnum það frá þeim þriðju löndum, yfirráðasvæðum, svæðum eða hólfum sem skráð eru í 1. og 3. dálk töflunnar í 1. hluta I. viðauka við hana.
- 2) Í reglugerð (EB) nr. 798/2008 er einnig mælt fyrir um skilyrði fyrir því að þriðja land, yfirráðasvæði, svæði eða hólfi geti talist laust við alvarlega fuglainflúensu (HPAI).
- 3) Úkraína er skráð í 1. hluta I. viðauka við reglugerð (EB) nr. 798/2008 sem þriðja land þaðan sem innflutningur til Sambandsins og umflutningur um Sambandið á tilteknum alifuglavörum er leyfður frá tilteknum hlutum yfirráðasvæðis þess, háð því hvort alvarleg fuglainflúensa sé fyrir hendi. Þessi svæðaskipting var sett fram í 1. hluta I. viðauka við reglugerð (EB) nr. 798/2008, eins og henni var breytt með framkvæmdarreglugerð (ESB) 2017/193 ⁽⁴⁾, í kjölfar staðfestingar á uppkomu alvarlegrar fuglainflúensu af undirgerð H5N8 30. nóvember 2016 og 4. janúar 2017.
- 4) Úkraína tilkynnti að hreinsun og sóttgreinsun væri lokið í kjölfar niðurskurðar á svæðum þar sem þessar uppkomur alvarlegrar fuglainflúensu greindust 2016 og 2017 og lagði fram upplýsingar, sem framkvæmdastjórnin lagði mat á, um þær ráðstafanir sem gerðar voru í landinu til að koma í veg fyrir frekari útbreiðslu sjúkdómsins. Á grundvelli matsins var komist að þeirri niðurstöðu að þessar uppkomur væru yfirstaðnar og að engin áhætta tengist flutningi á alifuglavörum inn til Sambandsins frá þeim svæðum í Úkraínu sem eru tilgreind í 1. hluta I. viðauka við reglugerð (EB) nr. 798/2008 en innflutningur þaðan var stöðvaður tímabundið með þeirri reglugerð, eins og henni var breytt með framkvæmdarreglugerð (ESB) 2017/193.
- 5) Hinn 19. janúar 2020 staðfesti Úkraína hins vegar að alvarleg fuglainflúensa af undirgerð H5 væri fyrir hendi á alifuglabúi á yfirráðasvæði landsins. Vegna þessarar staðfestu uppkomu alvarlegrar fuglainflúensu er ekki lengur hægt að líta svo á að allt yfirráðasvæði Úkraínu sé laust við sjúkdóminn og heilbrigðisfyrirvöld á sviði dýra og dýraafurða í Úkraínu geta því ekki lengur vottað sendingar af alifuglavörum fyrir innflutning til Sambandsins eða umflutnings um Sambandið frá þeim svæðum sem uppkoman hefur áhrif á.
- 6) Heilbrigðisfyrirvöld á sviði dýra og dýraafurða í Úkraínu hafa staðfest að í kjölfar uppkomunnar í janúar 2020 hættu þau tafarlaust útgáfu vottorða fyrir sendingar af vörum, sem voru ætlaðar til innflutnings til Sambandsins eða umflutnings um Sambandið, og innleiddu niðurskurðarstefnu til að verjast alvarlegu fuglainflúensunni og hefta útbreiðslu hennar.
- 7) Enn fremur sendi Úkraína upplýsingar til framkvæmdastjórnarinnar um faraldsfræðilegar aðstæður á yfirráðasvæði landsins og tilgreindi þau svæði sem takmarkanir voru settar á sem og þær ráðstafanir sem gerðar voru í landinu til að koma í veg fyrir frekari útbreiðslu alvarlegrar fuglainflúensu utan þessara takmörkunarsvæða. Nú hefur framkvæmdastjórnin lagt mat á þessar upplýsingar og á grundvelli þessa mats, sem og á grundvelli þeirra ábyrgða sem Úkraína veitir, ætti niðurstaðan að vera sú að takmarkanir á innflutningi til Sambandsins á sendingum af alifuglaafurðum frá svæðum þar sem áhrifa af alvarlegri fuglainflúensu gæti, þar sem heilbrigðisfyrirvöld á sviði dýra og dýraafurða í Úkraínu hafa sett takmarkanir vegna núverandi uppkomu, ættu að nægja til að ná yfir þá áhættu sem tengist innflutningi á slíkum vörum til Sambandsins.
- 8) Því ætti að breyta færslunni fyrir Úkraínu í skránni í 1. hluta I. viðauka við reglugerð (EB) nr. 798/2008 til að taka tillit til núverandi faraldsfræðilegra aðstæðna í landinu. Því ætti að breyta I. viðauka við reglugerð (EB) nr. 798/2008 til samræmis við það.
- 9) Ráðstafanir, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fôður.

SAMÞYKKT REGLUGERÐ ÞESSA:

1. gr.

Ákvæðum 1. hluta I. viðauka við reglugerð (EB) nr. 798/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 3. mars 2020.

*Fyrir hönd framkvæmdastjórnarinnar,
forseti.*

Ursula VON DER LEYEN

⁽¹⁾ Stjtið. EB L 18, 23.1.2003, bls. 11.

⁽²⁾ Stjtið. ESB L 343, 22.12.2009, bls. 74.

⁽³⁾ Reglugerð framkvæmdastjórnarinnar (EB) nr. 798/2008 frá 8. ágúst 2008 um skrá yfir þriðju lönd, yfirráðasvæði, svæði eða hólf, þaðan sem leyfður er innflutningur til Bandalagsins og umflutningur um Bandalagið á alifuglum og alifuglaafurðum, og um kröfur vegna heilbrigðisvottorða fyrir dýr og dýraafurðir (Stjtið. ESB L 226, 23.8.2008, bls. 1).

⁽⁴⁾ Framkvæmdarreglugerð framkvæmdastjórnarinnar (ESB) 2017/193 frá 3. febrúar 2017 um breytingu á II. viðauka við ákvörðun 2007/777/EB og I. viðauka við reglugerð (EB) nr. 798/2008 að því er varðar færslur fyrir Úkraínu í skránum yfir þriðju lönd þaðan sem leyfður er aðflutningur til Sambandsins á tilteknum vörum í tengslum við alvarlega fuglainflúensu (Stjtið. ESB L 31, 4.2.2017, bls. 13).

VIÐAUKI

Í stað færslunnar fyrir Úkraínu í 1. hluta I. viðauka við reglugerð (EB) nr. 798/2008 kemur eftirfarandi:

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hólfis	Lýsing á þriðja landi, yfirráðasvæði, svæði eða hólf	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningarstaða vegna fugla-inflúensu	Staða varna gegn salmonellu
			Fyrirmynd(ir)	Viðbótar-ábyrgðir		Loka-dagsetning	Upphafsdagsetning			
1	2	3	4	5	6	6A	6B	7	8	9
„UA – Úkraína	UA-0	Landið allt	EP, E							
	UA-1	Úkraína, landið allt að undanskildu svæði UA-2	WGM							
			POU, RAT							
	UA-2	Svæði í Úkraínu sem svarar til:								
	UA-2.1	Kherson Oblast (svæði)	WGM		P2	30.11.2016	7. mars 2020			
			POU, RAT		P2	30.11.2016	7. mars 2020			
	UA-2.2	Odessa Oblast (svæði)	WGM		P2	4.1.2017	7. mars 2020			
			POU, RAT		P2	4.1.2017	7. mars 2020			
	UA-2.3	Chernivtsi Oblast (svæði)	WGM		P2	4.1.2017	7. mars 2020			
			POU, RAT		P2	4.1.2017	7. mars 2020			
UA-2.4	Vinnitsia Oblast (svæði), Nemyriv Raion (hérað), sveitarfélög: Þorpið Berezivka Þorpið Bratslav Þorpið Budky Þorpið Bugakiv Þorpið Chervone Þorpið Chukiv Þorpið Danylky Þorpið Dovzhok Þorpið Horodnytsia Þorpið Hrabovets Þorpið Hranitne Þorpið Karolina Þorpið Korovayna Þorpið Korzhiv Þorpið Korzhivka Þorpið Kryklivtsi Þorpið Maryanivka Þorpið Melnykivtsi Þorpið Monastyrok Þorpið Monastyrske Bærinn Nemyriv Þorpið Novi Obyhody Þorpið Ostapkvitsi Þorpið Ozero	WGM		P2	19.1.2020					
		POU, RAT		P2	19.1.2020					

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hóls	Lýsing á þriðja landi, yfirráðasvæði, svæði eða hólli	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningarstaða vegna fugla-inflúensu	Staða varna gegn salmonellu
			Fyrirmynd(ir)	Viðbótar-ábyrgðir		Loka-dagsetning	Upphafsdagsetning			
1	2	3	4	5	6	6A	6B	7	8	9
		Þorpið Perepelychcha Þorpið Rachky Þorpið Salyntsi Þorpið Samchyntsi Þorpið Sazhky Þorpið Selevintsi Þorpið Sholudky Þorpið Slobidka Þorpið Sorokoduby Þorpið Sorokotiazhyntsi Þorpið Velyka Bushynka Þorpið Vovchok Þorpið Vyhnanka Þorpið Yosypenky Þorpið Zarudyntsi Þorpið Zelenianka								